



UNIVERSITÄTS-  
BIBLIOTHEK  
PADERBORN

## **Davidis Regii Prophetæ Psalterium**

**Moritz <Hessen, Landgraf>**

**Smalcaldiae, 1593**

**VD16 B 3258**

Psalmvs LXXXIX. Misericordias Domini, in æternum &c.

---

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Tabida consumpta est facies, mœrore grauate,  
Attamen expansis inuoco te manibus.  
Num tua conspicient miracula, lumine cassi?  
Num rediuiua cohors carmina grata canent?  
Num tua funereis referent benefacta sepulcris  
Atq; fidem, miseris qui periere modis?  
An tua Cymmeriis patefient facta tenebris?  
Iusticia in vacuo qua queat esse loco?  
At tibi confido, Domine, & tua numina adoro:  
Et tu manè meas percipis aure preces.  
Cur, Deus, hanc animã vultu minitante repellis?  
Cur faciem abscondis, quaeso, salutiferam?  
Mœstus, inops, exul, meq; affligente repulsa,  
Attonitus, vultus iam iaceo ante tuos.  
Terrificusq; tuus furor opprimit anxia corda,  
Horrificus terror saucia membra premit.  
Flumine ceu rapido me mergit perfidus hostis,  
Vndiq; circumdans retibus atq; plagis.  
Sanguine coniuncti, vicini, noti & amici  
Fletibus offensi retrò abiere meis.*

PSALMVS LXXXIX.

Misericordias Domini, in æternum &c.

abideT

Quanta

**Q**uanta Dei bonitas sit, gratia quanta, fidesq;  
Gratifico semper pectore & ore canam.  
Hoc mihi principium sit carminis: Exorietur  
Gratia, in aeternos non abolenda dies.  
Et tua sancta fides statuet durabile regnum,  
In caelis, quoniam terrea regna cadent.  
Firmani pactum, cum charo foedus iniui,  
Iuravi tibi, quae non reuocabo, David.  
Quod tua progenies non interitura sit unquam,  
Quod tibi sit stabilis tempus in omne thronus.  
Facta stupenda, Deus, caeli tua ubiq; fatentur,  
Sanctorum in caetu nota tua estq; fides.  
Quis Domino equari poterit super aethere caeli?  
Conferri superum quis tibi, Ioua, queat?  
Sanctorum in caetu Dominus fortissimus Heros,  
Mira facit sancta terribiliq; manu.  
Quis Domino similis virtute, fideq; Zebaoth?  
Cui verum & bonitas cingit utrumq; latus.  
Compescis fluctus, maris alta per aquora, motos,  
Imperium Ponti solus & vnus habes.  
Inflatum Raabum, tua regna, Aegypte, trucidas,  
Hostiles spargis fortis ubiq; manus.  
Omnia nam tua sunt, caeli terraq; profunda,

Orbem fundasti, quicquid & orbis habet.  
Eurum cum Borea firmasti, Thabor, & Hermon  
Ad laudes plaudunt exiliuntq; tuas.  
Brachia firma tibi, manus est fortissima, dextra  
Excelsa est: similis quis queat esse tibi?  
Iusticia & iuris fulcro tua regia sedes  
Nititur, hanc ornat cum bonitate fides.  
Felicem populum, qui fert tibi iubila latus,  
Luce tui vultus qui duce carpit iter.  
Nomine digna tuo, is fundet tibi carmina semper,  
Iusticia extollet se celebrisq; tua.  
Tu decore excelsi tribuisti robora nobis,  
Cornuaq; insurgunt nostra, favore tuo.  
Est etenim Dominus clypeus, firmissima rupes,  
Sanctus in Israël Rexq; Deusq; meus.  
Dixit is: inueni famulū mihi quando Dauidem,  
Perfudi hunc oleo, rex sit ut ipse, sacro.  
Hunc mea seruabit praestanti robore dextra,  
Firmabunt vnctum brachia celsa meum.  
Ut neq; praeualeat quisquam illi pessimus hostis,  
Impia possit eum nec premere vlla manus.  
Hunc per ego reprobos contundam fortiter istos,  
Qui cum dira velint, premia digna ferent.

At mea

At mea firma ipsi bonitasq; fidesq; manebit,  
Perq; meum nomen cornua celsa geret.  
Virtuti ipsius subsint lata aquora Ponti,  
Ipsius dextra flumina subiiciam.  
Talia is attribuet mihi nomina: tu mihi rupes,  
Tu Deus & Pater es, praesidium atq; salus.  
Hunc statuam primo genitum, faciamq; sedere  
Ante alios Reges in potiore throno.  
Foedera quaest atui nos inter, firma manebunt,  
Gratiaq; est finem non habitura mea.  
Illius, efficiam, ut semen non desinat unquam,  
Nec solium, donec semita solis erit.  
At si posteritas eius mea iura relinquet,  
Deserere incipiens sancta statuta mea.  
Iura prophanantes mea si violare studebunt,  
Transgressi leges impietate meas.  
Ipsorum ferula castigatrice rependam  
Crimina, sit scelevi ut debita poena comes.  
Ast mea perpetuis durabit gratia seclis,  
Firma fides verbi semper eritq; mei.  
Irrita non fient ullo mea tempore pacta,  
Non variabo oris foedera sancta mei.  
Iuravi ipse semel per nomina sancta Jehouae,

Dauidi seruo non, nisi vera, loquor.  
Eius erit semen stabile, & sine fine manebit,  
Clarius & solium lumine solis erit.  
Donec cœliuagæ durabunt cornua luna,  
Testis & atherei fœderis iris erit.  
Sed nunc tu reprobas unctum, misereq; repellis,  
Quem non debebas deseruisse, tuum?  
Pactum cum seruo, diuinaq; fœdera soluis,  
Regia sub pedibus pressa corona iacet.  
Murorumq; apices, & propugnacula firma  
Deiicis, ut non sim tutus ab hoste truci.  
Diripiunt qui prætereunt, sauisima turba,  
Vicinis ut sit risus & opprobrium.  
Quinetiam extollis furiales undiq; dextras,  
Hostiles capiunt gaudia lata manus.  
Illius obtusa est acies, hebetatur & ensis,  
E pugnis nunquam victor abire solet.  
Ornamenta iacent, eius decora alta silentur,  
Sceptraq; cum solio præcipitata cadunt.  
Detrahis ipsi annos, teneræ floremq; iuuenta,  
Ipsam ignominie opprobrioq; tegis.  
Quò, Deus, usq; tuam faciem occultabis? an ultra  
Ignis ut ardebit feruidus, ira tua?

Quàm

Quàm brevis annorum numerus sit, quæso, memē-  
Quorsum à te frustra conditus esset homo? (to,  
Viuorum è numero, cedò, cui mors parcat' auara?  
Vitamq; è stygiis quis reuocauit aquis?  
Iurasti ipse tuo Dauidi, fœdere pacto,  
Hac ubi nunc pietas, qua fuit antè, tua?  
Esto memor probri seruatorum, Ioua, tuorum,  
Quod gremio excipitur comprimiturq; meo.  
Afficit hoc inimica cohors tua nomina sancta,  
Hoc plantas vncti lædere auetq; tui.  
Sancta Dei bonitas benedicta sit omne per æuum,  
Quæ iuuat ex animo hæc credere, dicat Amen.

PSALMVS XC.

Domine, refugium factus es nobis, &c.

**P**Erpetuò, Deus, es nobis arx, turris, asylum:

Quò fugimus tuti semper ab hoste malo.

Tu regnas sine fine, pater, sine origine, solus

Fundasti montes, astra, mare atq; solum.

Tu genus humanum pallentes mittis ad umbras,

Ac homines velut ex morte redire iubes.

Ante tuos oculos anni sunt mille breuis lux,

Præteriti fuit vt temporis vna dies.

Tempor